



Møtebok for Formannskapet

Møtedato: 08.09.2020
Møtestad: Mobrygga
Møtetid: 09:00 - 15:00

Etter formannskapsmøtet vert det arbeidsøkt for planutvalet om planstrategi og gjennomgang av utkast til kulturplan

Frammøtte medlemmer	Parti	Rolle	Merknad
Kjetil Eikefet	SA	Ordfører	
Ann-Jorunn Farestveit	SO	Varaordfører	
Liv Anne Aanesen	SA	Medlem	
Kristin Nåmdal	SA	Medlem	
Håvard Engeseth	SO	Medlem	

Frå administrasjonen:	Funksjon:	Rolle	Merknad
Jo Bjarte Tømmerbakke	Rådmann	Administrasjon	
Tone Selmer Skuggevik	Teknisk sjef	Administrasjon	

Sakliste

Saknr	Tittel
027/2020	Godkjenning av innkalling og sakliste
028/2020	Godkjenning av møteprotokoll
029/2020	Orienteringssaker
030/2020	Avtale med Modalen kraftlag BA vedkomande konsesjonkraft for 2021 - 2024
031/2020	Midlertidig forskrift om gjennomføring av fjernmøter i folkevalde organ i Modalen

Sakspapir

Saksbehandler	Arkiv	ArkivsakID
Anneli Vathe Lilletvedt	FE-033	20/295

Saksnr	Utvalg	Type	Dato
027/2020	Formannskapet	PS	08.09.2020

Godkjenning av innkalling og saksliste

Forslag til vedtak:

Innkalling og sakliste vert godkjent

Saksopplysningar:

Formannskapet - 027/2020

FOR - behandling:

Samrøystes vedteke

FOR - vedtak:

Innkalling og sakliste vert godkjent

Sakspapir

Saksbehandler	Arkiv	ArkivsakID
Anneli Vathe Lilletvedt	FE-033	20/295

Saksnr	Utvalg	Type	Dato
028/2020	Formannskapet	PS	08.09.2020

Godkjenning av møteprotokoll

Forslag til vedtak:

Møteprotokoll vert godkjend slik den ligg føre

Saksopplysningar:

Formannskapet - 028/2020

FOR - behandling:

Samrøystes vedteke

FOR - vedtak:

Møteprotokoll vert godkjend slik den ligg føre

Vedlegg:

Protokoll - Formannskapet - 02.06.2020

Sakspapir

Saksbehandler	Arkiv	ArkivsakID
Anneli Vathe Lilletvedt	FE-033	20/295

Saksnr	Utvalg	Type	Dato
029/2020	Formannskapet	PS	08.09.2020

Orienteringssaker

Forslag til vedtak:

Sakene vert tekne til orientering

Saksopplysningar:

Formannskapet - 029/2020

FOR - behandling:

Ordførar orienterte om følgjande saker:

- Vegutbetringane i Nordhordlandspakken mellom Mo og Romarheim skal etter planen vere ferdige innan 1. okt
- Kommunen har fått tilbod om 1-2 nye dagar med folkevaldopplæring gjennom KS. Innhald, omfang og evt tidspunkt vert drøfta i kommunestyret.
- TV aksjonen 2020 vert ikkje gjennomført med tradisjonell bøssebæring i år. Det er planar om å gjennomføre aksjonen elektronisk som Spleis aksjon, der ein sender ut informasjon om korleis ein kan gje bidrag.
- Etter informasjon frå ordførar om tilbod om ny samarbeidsavtale med Vestland fylkeskommune gjeldande Invest In Bergen og Etablerersenteret, ga formannskapet eit tydeleg signal om at dette er avtale som Modalen kommune skal underteikne. Ordførar informerte om at dette vil bli gjort påfølgjande dag.

- Modalen og Vaksdal kommunar har saman med Modalen - Eksingedalen Billag tatt initiativ til og hatt møte med fylkeskommunen og Statens Vegvesen om utbetring av fylkesveg 569 mellom Dalseide og Romarheim. Eit av måla er å få vegen definert som omkjøringsveg for E 16. Ordførar er og i dialog med Statens Vegvesen om å ha synfaring på flomutsette vegstrekningar på fylkesveg 569 mellom Mo og Øvre Helland, med mål om flomsikringstiltak.

- Ordførar og rådmann har hatt møte med BKK ang saka om revisjon av konsesjonsvilkår. LVK bistår kommunen i oppfølging av denne saka. BKK heldt på å utarbeide revisjonsdokument til NVE der dei svarer/kommenterer dei innkomne krava. Prosessen vert følgd vidare opp når revisjonsdokumentet er klart, sannsynlegvis rundt årsskiftet.

Teknisk sjef Tone Selmer Skuggevik orienterte om status på prosjektet om nytt Nærings- og tenestesenter på Mo. Rivinga av det gamle kommunehuset går etter oppsett tidsplan, og ein heldt framdriftplanen for nybygget.

Rådmannen orienterte om at ein er i prosess med tilsetjing av ny ungdomsarbeider/ungdomskooridinator. Det er fire søkjarar til stillinga og det vert gjennomført intervju i veke 38.

Samrøystes vedteke

FOR - vedtak:

Sakene vert tekne til orientering

Sakspapir

Saksbehandler	Arkiv	ArkivsakID
Jo Bjarte Tømmerbakke	FA-S05	20/294

Saksnr	Utvalg	Type	Dato
030/2020	Formannskapet	PS	08.09.2020
	Kommunestyret	PS	

Avtale med Modalen kraftlag BA vedkomande konsesjonskraft for 2021 - 2024

Forslag til vedtak:

Modalen kommune overfører eiga konsesjonskraft til Modalen Kraftlag utan vederlag for den del av forbruket som går til kommunalt forbruk og til private innbyggjarar / kundar og landbruk.

Modalen kommune vidarefører underteikna avtale med Modalen kraftlag om sal av konsesjonskraft for den del som skal vidaresejast til lokalt næringsliv, men med slike endringar som kjem fram nedanfor. Differansen mellom marknadspris og kostpris skal heilt ut tilfalle næringsfondet.

Modalen kommunestyre vedtek slike endringar av underteikna avtale mellom Modalen kommune og Modalen kraftlag om salg av konsesjonskraft:

Pkt 5. Vederlag

Vert endra frå: Kraftlaget skal betale markedspris til kommunen for kraften. Prisen for avtaleperioden er fastsatt til 16 øre/kWh, jf. likevel kontraktens pkt. 10 om oppsigelse.

Til: Kraftlaget skal betale markedspris til kommunen for kraften. Prisen for avtaleperioden er fastsatt til 35 øre/kWh, jf. likevel kontraktens pkt. 10 om oppsigelse.

Pkt 10. Ikrafttredelse og opphør.

Vert endra frå: Avtalen løper til 31. desember 2022

Til: Avtalen løper til 31. desember 2024

All kraftmengda skal uavkorta stillast til rådvelde for abonnentane i Modalen kommune til lågast mogleg pris der og prisen på kjøp og overføring av krafta bør bli teke omsyn til.

Vedtaket gjeld for disponering av kommunen si konsesjonskraft til og med 31.12.2024.

Rådmannen legg fram ny sak til kommunestyret i første halvår 2024.

Formannskapet sender saka vidare til kommunestyret for handsaming, utan tilråding.

Saksopplysningar:

Bakgrunn

I kommunestyret sak 005/2017 vart det gjort slikt vedtak:

Modalen kommune overfører eiga konsesjonskraft til Modalen Kraftlag utan vederlag for den del av forbruket som går til kommunalt forbruk og til private innbyggjarar / kundar og landbruk.

Modalen kommune vidarefører underteikna avtale med Modalen kraftlag om sal av konsesjonskraft for den del som skal vidaresejast til lokalt næringsliv, men med endring av pris i samsvar med vedtak

i KS 017/2015. Differansen mellom marknadspris og kostpris skal heilt ut tilfalle næringsfondet.

All kraftmengda skal uavkorta stillast til rådvelde for abonnentane i Modalen kommune til lågast mogleg pris der og prisen på kjøp og overføring av krafta bør bli teke omsyn til.

Vedtaket gjeld for disponering av kommunen si konsesjonskraft til og med 31.12.2020.

Rådmannen legg fram ny sak til kommunestyret i første halvår 2020.

Grunna Korona pandemien vart det ikkje mogleg å få saka til handsaming i kommunestyret før etter sommaren 2020.

Modalen kommune er vertskommune for delar av BKK si kraftutbygging i Stølsheimen. BKK som konsesjonær må avgje inntil 10 % av innvunne kraft frå utbygginga til vertskommunen og/eller fylkeskommunen til årleg fastsett pris. Samla mengde konsesjonskraft for Modalen kommune er om lag 71 GWh.

Modalen kommune har rett til uttak av konsesjonskraft som tilsvarar det allminnelege kraftforbruket i kommunen. Dette utgjer årleg ca. 9 GWh. Det overskytande konsesjonskraftvolumet tilfell Vestland Fylkeskommune. Modalen kraftlag si omsetning av kraft til næringslivet utgjer ca. 1.1 GWh.

Utteken kraft kan kommunen nytta etter eige skjønn, enten ved sal av konsesjonskrafta i marknaden, bruke konsesjonskrafta til kommunale bygg eller tildele krafta til eigne innbyggjarar. Men konsesjonskraftrettane må forvalta innanfor gjeldande konkurransereglar

Modalen kommunestyre vedtok i møte den 06.12.2012 (Ksak 056/12) gjeldande avtale mellom Modalen kommune og Modalen kraftlag. Vilkåra i avtalen med Modalen kraftlag om videresal av konsesjonskrafta til næringslivet vart fastlagt for ein periode gjeldande for 10 år (løper til 31.12.2022). Marknadsprisen, som vart fastsett, var basert på ei vurdering i eit slikt lengre tidsperspektiv. Avtalen kan likevel seiast opp av begge partar med 6 månader verknad dersom prisutviklinga skulle tilsei at det er naudsynleg å føreta ein korreksjon.

Avtalen vart sist korrigert i 2015 og vidareført frå 2017 – 2020 med same prisnivå som i 2015.

Advokatfirmaet Lund & Co var engasjert i arbeidet med utforminga av avtalen for å sikre at den var i samsvar med ulike føresetnader for omsetning av konsesjonskraft. Særleg har det vore viktig å ivareta at prisen for sal av konsesjonskraft til næringslivet ikkje skulle medføre ei ulovleg subsidiering, men vere basert på ein fastsett marknadspris for avtaleperioden.

Vurdering

Når det gjeld bindingstida på forvaltinga av konsesjonskrafta etter fastsette vilkår, så er det rimeleg at denne vert avgrensa til fire år. Dette for ikkje å binde opp eit nytt kommunestyre, men leggje til rette for at dei kan føreta ei sjølvstendig vurdering av saka etter nyval, basert på dei føresetnader som då måtte rå for kommunen.

Modalen kraftlag har gjennom mange år disponert Modalen kommune si konsesjonskraft, og dei er avhengig av denne krafta for framleis å kunne drive si verksemd som i dag. Det har vore brei politisk semje om at konsesjonskrafta skal distribuerast av Modalen kraftlag, og vilkåra er i dag forvalta i samsvar med gjeldande konkurransereglar. Rådmannen finn derfor ikkje grunn til gjere ytterlegare vurderingar av andre alternativ dersom ikkje kommunestyret ynskjer/bestiller ei slik saksutgreiing.

Rådmannen vil her kort peika på at kommunen sjølv, ved seinare økonomisk behov, kan redusere sine kostnader for kjøp av straum til eigne anlegg/bygningar eller auka si inntekt ved sal av konsesjonskrafta i marknaden. Til dømes vil eit sal av 9 GWh konsesjonskraft auke inntektene til kommunen med om lag 2,5 mill årleg, basert på 2019 priser.

Pris i avtalen vart i 2015 fastsett lågare enn dåverande årskontraktsprisar basert på at avtaleprisen var for ein lengre kontrakstperiode. Same vurdering må også leggjast til grunn i dag, ikkje vere basert på ei vurdering av kortare svingningar i kraftprisen.

Rådmannen har difor innhenta ei ny vurdering frå Advokatfirmaet Lund & Co for å få ei oppdatering av marknadsprisen for denne kontrakten.

I den nye vurderinga konkluderer dei med at prisnivået for kontrakten er 35 til 38 øre/KWh. Rådmannen syner elles til dei vurderingar som kjem fram i vedlagt notat om prisutviklinga i kraftmarkedet fram til 2025.

Konklusjon

Rådmannen rår til at gjeldande avtale om sal av konsesjonskraft til marknadsmessige vilkår for den del som Modalen kraftlag skal vidareseleje til lokalt næringsliv vert endra i tråd med framlegg til vedtak for pkt 5 og pkt 10, og at øvrig konsesjonskraft vert vidareformidla på vilkår som tidlegare fastsett i vedtak i KS 005/2017.

Formannskapet - 030/2020

FOR - behandling:

Etter debatt fremma ordførar forlag til nytt alternativt vedtak, som vart teke opp til votering. Ordførar sitt framlegg vart samrøystes vedteke.

FOR - vedtak:

Formannskapet sender saka vidare til kommunestyret for handsaming, utan tilråding.

Vedlegg:

2020-08-17 Modalen kraftprisutvikling Lund og co

Avtale mellom Modalen kommune og Modalen kraftlag om salg av konsesjonskraft

Saksframlegg 2017 avtale med Modalen kraftlag BA vedkomande konsesjonskraft for 2017 - 2020

Sakspapir

Saksbehandler	Arkiv	ArkivsakID
Jo Bjarte Tømmerbakke		20/308

Saksnr	Utvalg	Type	Dato
031/2020	Formannskapet	PS	08.09.2020
	Kommunestyret	PS	

Midlertidig forskrift om gjennomføring av fjernmøter i folkevalde organ i Modalen

Forslag til vedtak:

Kommunestyret vedtek midlertidig forskrift, i samsvar med KommuneLOVEN § 11-7, om gjennomføring av fjernmøter i folkevalde organ i Modalen slik den ligg føre.

Forskrifta gjeld fram til 1. aug 2021.

Saksopplysningar:

Bakgrunn

For å begrense spredning av Covid 19 fastsette Kommunal- og moderniseringsdepartementet 13. mars 2020 ei midlertidig forskrift som opna for at alle kommunar og fylkeskommunar kunne gjennomføre møter i folkevalde organ som fjernmøter. Forskrifta vart gjort gjeldane fram til 1. aug 2020 og vart ikkje forlenga av departementet. Departementet begrunna den midlertidige forskrifta i mars med at det var mogleg at kommunane ikkje hadde gjort nødvendige vedtak om dette sjølv, då smitterverntiltaka som i praksis innebar forbod mot fysiske møter kom brått på i mars. Det vil no vere mogleg for kommunane å gjere dei rette vedtaka sjølv, basert på lokale forhold og behov for evt fjernmøter.

Vurdering

KommuneLOVEN har reglar om møter i folkevalde organ og andre kommunale organ. Møta skal som hovudregel haldast ved fysisk oppmøte og dei folkevalde har møteplikt. I tillegg har allmennheten rett til å vere til stades i møte i folkevalgte organ.

Den midlertidige forskrifta opner for at folkevalde organ kan halde sine møter som fjernmøter, dersom det av smittevern hensyn vert rekna som naudsynt.

Konklusjon

Rådmannen vurderer at det er naudsynt å ha ei lokal forskrift som opnar for gjennomføring av fjernmøter i folkevalde organ, dersom ein får lokale utbrot av Covid 19 smitte som gjer det uforsvarleg eller lite tilrådeleg å gjennomføre fysiske møter i ein periode.

Formannskapet - 031/2020**FOR - behandling:**

Rådmannen orienterte kort om saka.
Samrøystes vedteke

FOR - vedtak:

Kommunestyret vedtek midlertidig forskrift, i samsvar med Kommuneleoven § 11-7, om gjennomføring av fjernmøter i folkevalde organ i Modalen slik den ligg føre.

Forskrifta gjeld fram til 1. aug 2021.

Vedlegg:

Midlertidig forskrift om gjennomføring av fjernmøter i folkevalde organ i Modalen kommune for å begrense spreing av Covid 19